



- UPRAVNI ODBOR -

Broj: 02-29-1/21

Sarajevo, 30. 09. 2021. godine

Z A P I S N I K
SA 49. ELEKTRONSKE SJEDNICE UPRAVNOG ODBORA INTEGRIRANOG
UNIVERZITETA U SARAJEVU
ODRŽANE 30. 09. 2021. GODINE S POČETKOM U 12:00 SATI

Prisutni članovi Upravnog odbora (pozvani putem e-maila): predsjednik dr. sc. Murat Ramadanović, gospođa Mersiha Sabaredžović-Klačar, dr. sc. Mersiha Slipičević, gospodin Sifet Kukuruz, prof. ddr. Lidija Zvačko, prof. dr. Jasminka Gradašćević-Sijerčić, prof. dr. Dijana Avdić, akad. prof. dr. Dejan Milošević, prof. dr. Kasim Bajrović, prof. dr. Abidin Deljanin i Hamza Vahid El-Din, predstavnik studenata.

Ostali prisutni (obaviješteni putem e-maila): prof. dr. Rifat Škrijelj, rektor Univerziteta u Sarajevu, prof. dr. Tarik Zaimović, prorektor za finansije, prof. dr. Dženana Husremović, prorektorica za nastavu i studentska pitanja, prof. dr. Mirza Dautbašić, prorektor za naučnoistraživački rad, prof. dr. Enita Nakaš, prorektorica za međunarodnu saradnju, prof. dr. Tamara Karača Beljak, prorektorica za umjetnost, umjetničkoistraživački rad, kulturu i sport, prof. dr. Dušanka Bošković, prorektorica za kvalitet, Kenan Filipović generalni sekretar, gospodin Ekrem Čagalj, interni revizor, prof. dr. Sahrudin Sarajčić, izvršni direktor, Berina Smajlović, rukovodilac Službe za prave poslove i Belma Hajradinović, viši stručni saradnik za pravne poslove.

Elektronska sjednica je započela u 12:00 sati.

Sjednici nisu pristupili: gospodin Sifet Kukuruz, Hamza Vahid El-Din, predstavnik studenata i prof. ddr. Lidija Zvačko se izjasnila izvan termina utvrđenog za dostavljanje izjašnjenja (u 11:26 sati).

Sjednicom je predsjedavao dr. sc. Murat Ramadanović, predsjednik Upravnog odbora Univerziteta u Sarajevu, na osnovu čije je saglasnosti, u skladu sa članom 9. stav (3) i članom 14. Poslovnika o radu Univerziteta u Sarajevu, članovima Upravnog odbora Univerziteta u Sarajevu putem e-maila dostavljen poziv za održavanje 49. elektronske sjednice zakazane za četvrtak 30. septembra 2021. godine, sa naznakom perioda izjašnjavanja od 12:00 do 16:00 sati.

Na osnovu izjašnjenja predsjednika i članova Upravnog odbora Univerziteta u Sarajevu, uz osam (8) glasova „za“ Upravni odbor je usvojio dnevni red, kako *s l i j e d i*

DNEVNI RED

1. Usvajanje zapisnika sa prethodnih sjednica Upravnog odbora Univerziteta u Sarajevu: Zapisnik sa 47. elektronske sjednice od 22. 07. 2021. godine, Zapisnik sa 48. elektronske sjednice od 28. 07. 2021. godine i Zapisnik sa 8. vanredne sjednice od 07. 09. 2021. godine
2. Prijedlog dopune Pravilnika o unutrašnjoj organizaciji i sistematizaciji radnih mjesta Univerziteta u Sarajevu - Prirodno-matematički fakultet
3. Pravilnik o ličnim primanjima i naknadama radnika Univerziteta u Sarajevu – Stomatološki fakultet sa klinikama
4. Tumačenje Pravilnika o unutrašnjoj organizaciji i sistematizaciji radnih mjesta Rektorata i podorganizacionih jedinica Univerzitetu u Sarajevu
5. Javne nabavke
 - a) Izmjena i dopuna Plana javnih nabavki integriranog Univerziteta u Sarajevu za 2021. godinu
 - b) Davanje saglasnosti na izmjenu Finansijskog informacionog sistema Univerziteta u Sarajevu u dijelu pokretanja javnih nabavki, podnosilac Univerziteta u Sarajevu – Stomatološki fakultet sa klinikama
6. Zakup poslovnih prostora na organizacionim jedinice Univerziteta u Sarajevu
 - a) Davanje saglasnosti rektoru Univerziteta u Sarajevu za zaključenje ugovora o zakupu poslovnog prostora između Univerziteta u Sarajevu i Geotehnos d.o.o. Sarajevo Geotehnos d.o.o. Sarajevo - poslovni prostori pod rednim brojem 1 i 2 Javnog oglasa.
 - b) Davanje saglasnosti rektoru Univerziteta u Sarajevu za zaključenje Ugovora o zakupu poslovnog prostora između Univerziteta u Sarajevu i Automatic servis d.o.o. Visoko - za poslovni prostor pod rednim brojem 3
 - c) Razmatranje Zahtjeva Univerziteta u Sarajevu – Šumarskog fakulteta kojim se traži umanjene zakupnine
7. Prigovori/žalbe zaposlenih na organizacionim jedinicama Univerziteta u Sarajevu na odluke tijela Univerziteta/organizacione jedinice koji su u prvom stepenu odlučivali o pravima i obavezama iz radnog odnosa:
 - a) Prof. dr. Abidin Deljanin, Univerzitet u Sarajevu – Fakultet za saobraćaj i komunikacije
 - b) Đenita Krnjić, Univerzitet u Sarajevu – Farmaceutski fakultet
8. Molba podnositeljice Ognjenke Išek radnice Univerziteta u Sarajevu – Instituta za historiju za rješavanje radno-pravnog statusa
9. Prigovori učesnika u javnom oglasu na organizacionim jedinicama Univerziteta u Sarajevu
 - a) Maja Sijerčić, učesnica u javnom oglasu za radno mjesto „viši samostalni referent u biblioteci“ na Univerzitetu u Sarajevu – Pravnom fakultetu
 - b) Arijana Kurspahić, učesnica u javnom oglasu za radno mjesto „viši samostalni referent u biblioteci“ na Univerzitetu u Sarajevu – Pravnom fakultetu
10. Zahtjev dekana Univerziteta u Sarajevu - Veterinarskog fakulteta za raspolaganje sredstvima preko iznosa kojim može raspolagati rukovodilac organizacione jedinice

11. Molba grupe nastavnika Univerzitet u Sarajevu - Farmaceutski fakultet za odobrenje sredstva neophodnih za zatvaranje projekta Federalnog ministarstva obrazovanja i nauke iz 2017 i 2018. godine
12. Izvještaj rukovodioca Jedinice interne revizije - Planu javnih nabavki integriranog Univerziteta u Sarajevu
13. Izvještaj o radu Studentskog parlamenta Univerziteta u Sarajevu za 2019/2020. godinu
14. Informacije:
 - a) Realizacija odluka Upravnog odbora Univerziteta u Sarajevu
 - b) Kvartalni izvještaj o realizaciji NATO SPS projekta QUANTUM5
 - c) Izvještaja o realizaciji i provedbi Plana javnih nabavki integrisanog Univerziteta u Sarajevu za 2021. godinu (II kvartal)
 - d) Obavijest o dopunama dinamičkog plana Univerziteta u Sarajevu - Ekonomskog fakulteta
 - e) Obavijest o dinamičkim planovima organizacionih jedinica Univerziteta u Sarajevu
 - Ekonomski fakultet
 - Elektrotehnički fakultet
 - Građevinski fakultet
 - Institut za genetičko inženjerstvo i biotehnologiju
 - Farmaceutski fakultet
 - Fakultet političkih nauka
 - Filozofski fakultet
 - Fakultet za kriminalistiku, kriminologiju i sigurnosne studije
 - Poljoprivredno-prehrambeni fakultet
 - Mašinski fakultet

T O K S J E D N I C E

Ad-1.

U okviru *tačke 1.* razmatrani su i usvojeni prijedlozi zapisnika sa prethodnih sjednica Upravnog odbora Univerziteta u Sarajevu:

- Zapisnik sa 47. elektronske sjednice od 22. 07. 2021. godine – sa 7 (*sedam*) glasova „za“,
- Zapisnik sa 48. elektronske sjednice od 28. 07. 2021. godine – sa 7 (*sedam*) glasova „za“, i
- Zapisnik sa 8. vanredne sjednice od 07. 09. 2021. godine – sa 8 (*osam*) glasova „za“.

Ad-2.

Upravni odbor Univerziteta u Sarajevu je razmatrao dostavljeni Prijedlog dopune Pravilnika o unutrašnjoj organizaciji i sistematizaciji radnih mjesta Univerziteta u Sarajevu - Prirodno-matematičkog fakulteta, broj: 02-18-21-1/21 od 20. 05. 2021. godine. S tim u vezi, Upravni odbor je sa 8 (*osam*) glasova „za“ donio *s l j e d e ć i*

Z A K L J U Č A K

1. Upravni odbor Univerziteta u Sarajevu odgađa razmatranje Prijedloga dopune Pravilnika o unutrašnjoj organizaciji i sistematizaciji radnih mjesta Univerziteta u Sarajevu - Prirodno-matematičkog fakulteta, broj: 02-18-21-1/21 od 20. 05. 2021. godine do dostavljanja prethodnog mišljenja Ministarstva za nauku, visoko obrazovanje i mlade Kantona Sarajevo na isti.

2. Upravni odbor Univerziteta u Sarajevu konstatuje da se osnivanje novih podorganizacionih jedinica prema važećim odredbama Statuta Univerziteta u Sarajevu, a u skladu sa zakonom vezuje se za rješenja u članu 28. stav (3), članu 30. stav (2) i članu 36.

Ad-3.

Upravnom odboru Univerziteta u Sarajevu dostavljen je Pravilnik o ličnim primanjima i naknadama radnika Univerziteta u Sarajevu – Stomatološkog fakulteta sa klinikama broj: 01-4-2-42-3/21 od 10. 09. 2021. godine. Isti je prethodno upućen Odboru za normativna pitanja Univerziteta u Sarajevu, zbog davanja prethodnog mišljenja. Upravni odbor Univerziteta u Sarajevu je nakon razmatranja sa 8 (osam) glasova „za“, donio *sljedeću*

ODLUKU

I

Upravni odbor Univerziteta u Sarajevu daje saglasnost na Pravilnik o ličnim primanjima i naknadama radnika Univerziteta u Sarajevu – Stomatološkog fakulteta sa klinikama broj: 01-4-2-42-3/21 od 10. 09. 2021. godine.

II

Važenje Pravilnika iz tačke I ove odluke je uvjetovano donošenjem novog Jedinstvenog pravilnika o plaćama i naknadama Univerziteta u Sarajevu kojim će se posebno urediti osnovi i mjerila za isplatu i obračun plaća i naknada radnika Univerziteta u Sarajevu – Stomatološkog fakulteta sa klinikama, koji pored obrazovne obavljaju i zdravstvenu djelatnost.

III

Obavezuje se Univerzitet u Sarajevu – Stomatološki fakultet sa klinikama da izvrši usklađivanje Pravilnika iz tačke I ove odluke na sljedeći način:

- u uvodu predloženog Pravilnika izostaviti sve izvore koji nisu na snazi ili nisu pravni osnov za donošenje ovog Pravilnika,
- naziv Pravilnika vezati za kategorije koje poznaje zakon, kao i za sastavne dijelove plaćenosti rada,
- u dijelu prelaznih i završnih odredbi ovog Pravilnika uskladiti odredbe o važenju Pravilnika i stupanju na snagu,
- voditi računa u budućoj regulativi o smjernicama koje su naznačene u Elaboratu o provođenju Odluke Skupštine Kantona Sarajevo o pripajanju fakulteta akademija i naučnoistraživačkih instituta Univerziteta u Sarajevu, pri čemu fakulteti, akademije i naučnoistraživački instituti gube pravni subjektivitet i nastavljaju sa radom kao organizacione jedinice Univerziteta bez svojstva pravnog lica, broj: 11-01-38-13543-6/18 od 29. 11. 2018. godine, a koje se vezuju za specifičnosti Stomatološkog fakulteta sa klinikama u dijelu koji se odnosi na njegove izvore finansiranja i obavljanje zdravstvene djelatnosti.

IV

Ova odluka stupa na snagu danom donošenja.

Ad-4.

Na osnovu Inicijative rektora Univerziteta u Sarajevu za davanje tumačenja člana 4. i člana 20. stava (15) Pravilnika o unutrašnjoj organizaciji i sistematizaciji radnih mjesta Rektorata i podorganizacionih jedinica Univerzitetu u Sarajevu broj: 0101-9126-5-1/21 od 24. 09. 2021. godine, Upravni odbor Univerziteta u Sarajevu je dao tumačenje Pravilnika o unutrašnjoj organizaciji i sistematizaciji radnih mjesta Rektorata i podorganizacionih jedinica Univerzitetu u Sarajevu.

Upravni odbor Univerziteta u Sarajevu je nakon razmatranja sa 8 (osam) glasova „za“, donio *sljedeći*

ZAKLJUČAK

1. Na Univerzitetu u Sarajevu u okviru prelaska na trezorsko poslovanje je uspostavljen pomoćni operativni centar odnosno Operativna jedinica „Visoko obrazovanje“- Pomoćni operativni centar za visoko obrazovanje (dalje: POC) za izvršavanje budžeta Univerziteta u Sarajevu. Uspostavljanje POC-a je komparativna prednost u odnosu na druge trezorske univerzitete. Za uspostavu POC-a njeno opremanje, te uspostavu softvera za trezorsko poslovanje i centralizovani obračun plaća bilo je zaduženo Ministarstvo za obrazovanje, nauku i mlade Kantona Sarajevo, Rektorat Univerziteta u Sarajevu i Ministarstvo finansija Kantona Sarajevo svako u okviru svoje nadležnosti.
2. U tom svijetlu: **POC je specifična podorganizaciona jedinica Univerziteta u Sarajevu** koja u svom sastavu ima dvije podjedinice/odjela:
 - a) za unos faktura i knjiženja (izvršavanje budžeta budžetskog korisnika odnosno njegovih potrošačkih jedinica),
 - b) za obračun i unos plaća u centralizovani sistem obračuna plaća.
3. U važećim općim aktima Univerziteta u Sarajevu, i to:
 - a) Pravilnik o unutrašnjoj organizaciji i sistematizaciji radnih mjesta na Univerzitetu u Sarajevu od 19. 09. 2019. godine: u skladu sa članom 23 stav (1) tačka c) (nepravilno naznačeno tačka k)) **POC je uvršten/sistematiziran u stručne službe Univerziteta u Sarajevu,**
 - b) Pravilnik o unutrašnjoj organizaciji i sistematizaciji radnih mjesta Rektorata i podorganizacionih jedinica Univerziteta u Sarajevu od 28. 11. 2019. godine: **POC je jedna od sastavnica Rektorata u skladu sa članom 4. stav (1) tačka b) odnosno u skladu sa članom 6 stav (1) ovog Pravilnika POC nije u okviru uspostavljenih stručnih službi Univerziteta u Sarajevu.**
4. **Zbog postojeće nedorečenosti i neharmoniziranosti u važećim rješenjima općih akata koji se odnose na unutrašnju organizaciju i sistematizaciju, do usklađivanja i donošenja novih akata/dopuna i izmjena, primijeniti odredbe koje su povoljnije za ostvarivanje prava uposlenike POC-a.**

Ad-5.

Uvažavajući činjenicu da je Odlukom broj: 02-26-2/21 od 07. 09. 2021. godine, Upravni odbor Univerziteta u Sarajevu je usvojio izmjene i dopune Plana javnih nabavki integriranog Univerziteta u Sarajevu za 2021. godinu, koje su se odnosile na usklađivanje Plana nakon nastale statusne promjene Univerziteta u Sarajevu i organizacionih jedinica. S obzirom da su nastale nove potrebe Univerziteta u Sarajevu za nabavkama koje se nisu mogle predvidjeti u vrijeme donošenja Plana nabavki integriranog Univerziteta u Sarajevu za 2021. godinu, utvrđene su izmjene i dopune Plana nabavki Univerziteta u Sarajevu za 2021.godinu.

- a) Upravni odbor Univerziteta u Sarajevu je nakon razmatranja sa 8 (osam) glasova „za“, donio *sljedeću*

ODLUKU

o izmjeni i dopuni Plana javnih nabavki integrisanog Univerziteta u Sarajevu za 2021. godinu broj: 02-26-2/21 od 07. 09. 2021. godine

I

Usvaja se izmjena i dopuna Plana nabavki integrisanog Univerziteta u Sarajevu za 2021. godinu utvrđenog Odlukom Upravnog odbora Univerziteta u Sarajevu broj: broj: 02-26-2/21 od 07. 09. 2021. godine.

II

Ova Odluka stupa na snagu danom donošenja, a biti će objavljena u na internetskoj stranici Univerziteta u Sarajevu, odmah po donošenju.

- b) Upravni odbor Univerziteta u Sarajevu je nakon razmatranja sa 8 (osam) glasova „za“, donio *sljedeću*

ODLUKU

I

Daje se saglasnost Univerzitetu u Sarajevu – Stomatološkom fakultetu sa klinikama za pokretanje postupaka javnih nabavki putem Finansijskog informacionog sistema Univerziteta u Sarajevu, iz sredstava koja se doznachavaju sukcesivno po osnovu zaključenog Ugovora sa Zavodom zdravstvenog osiguranja Kantona Sarajevu, u okviru ukupnog iznosa doznachenih sredstava na godišnjem nivou i u usvojenom Planu javnih nabavki.

II

Obavezuje se Univerzitet u Sarajevu – Stomatološki fakultet sa klinikama da za postupke javnih nabavki iz tačke I ove odluke osigura raspoloživa sredstava prije plaćanja sukcesivnih ugovoreni obaveza koje su predmet javne nabavke.

III

Obavezuje se Univerzitet u Sarajevu da izvrši usklađivanje Finansijskog informacionog sistema Univerziteta u Sarajevu u dijelu validacije za provođenje postupaka javnih nabavki u slučaju kada se sredstva za provođenje istih doznachavaju sukcesivno i prelaze iz jednog budžetskog perioda u drugi.

IV

Ova odluka stupa na snagu danom donošenja.

Ad-6.

Upravnom odboru Univerziteta u Sarajevu od strane Komisije za poslovne prostore Univerziteta u Sarajevu - Građevinskog fakulteta dostavljen je Prijedlog ugovora o zakupu poslovnih prostora Građevinskog fakulteta.

- a) Upravni odbor Univerziteta u Sarajevu je nakon razmatranja sa 8 (osam) glasova „za“, donio *sljedeću*

ODLUKU

I

Daje se *saglasnost* za zaključenje ugovora o zakupu poslovnih prostora u sklopu Univerziteta u Sarajevu - Građevinskog fakulteta, u kojima se na stani zakupodavca javlja Univerzitet u Sarajevu i na strani zakupoprimaca sljedeće ugovorne strane:

1. **Geotehnos d.o.o. Sarajevo** – za poslovni prostor koji se nalazi suterenskom dijelu objekta Instituta za geotehniku i geologiju Univerziteta u Sarajevu – Građevinskog fakulteta u ulici Stjepana Tomića br. 3., k.č. br. 40/19, Općine Centar, katastarska općina Sarajevo IV, koji se sastoji od 4 kancelarije, toaleta i hodnika – ukupne površine 141,21 m² – period 1 (jedna) godina.
2. **Geotehnos d.o.o. Sarajevo** – za poslovni prostor koji se nalazi u ulici Patriotske lige, k.č. br. 40/15, Općine Centar, katastarska općina Sarajevo IV, ukupne površine 110,00 m² – period 1 (jedna) godina.
3. **Automatic servis d.o.o. Visoko**, Industrijska zona Ozrakovići bb, Visoko za zakup poslovnog prostora koji se nalazi na prvom spratu Univerziteta u Sarajevu – Građevinskog fakulteta u ulici Patriotske lige br. 30, k.č. br. 40/10, Općina Centar, katastarska općina Sarajevo IV – period 3 (tri) godine.

II

Obavezuje se rektor Univerziteta u Sarajevu da u skladu sa zakonom i Statutom Univerziteta u Sarajevu utvrđenim nadležnostima da ovlaštenje dekanu Univerziteta u Sarajevu - Građevinskog fakulteta za zaključenje ugovora iz tačke I. ove odluke.

III

Ova odluka stupa na snagu danom donošenja.

- b) Upravni odbor je razmatrao Zahtjev zakupoprimca dostavljen putem Univerziteta u Sarajevu - Šumarskog fakulteta, 01/1-1743/21 od 05. 07. 2021. godine. Na osnovu pomenutog zahtjeva, Upravni odbor Univerziteta u Sarajevu je sa 8 (osam) glasova „za“, donio *sljedeći*

ZAKLJUČAK

1. Upravni odbor Univerziteta u Sarajevu konstatuje da do umanjenja zakupnine može doći u naročito opravdanim slučajevima, čiji se osnov nalazi u nekom od relevantnih propisa, što će se cijeliti po svakom pojedinačnom zahtjevu.
2. Upravni odbor Univerziteta u Sarajevu konstatuje da je u prethodnom periodu do umanjenja zakupnine kod pojedinih zakupoprimca dolazilo samo u slučajevima u kojima su ugovori zaključeni pod uvjetima prije nastalih vanrednih okolnosti izazvanih koronavirusom (COVID-19).
3. Upravni odbor Univerziteta u Sarajevu konstatuje da je radi zaštite imovine u postupku davanja u zakup prostora u kojem se na strani zakupodavca javlja Univerzitet/organizaciona jedinica neophodno primijeniti povoljnije uvjete na strani zakupodavca.

Ad-7.

Upravni odbor Univerziteta u Sarajevu je razmatrao žalbe zaposlenih na organizacionim jedinicama Univerziteta u Sarajevu na odluke tijela Univerziteta/organizacione jedinice koji su u prvom stepenu odlučivali o pravima i obavezama iz radnog odnosa i to:

- a) Prof. dr. Abidin Deljanin, Univerzitet u Sarajevu – Fakultet za saobraćaj i komunikacije
- b) Đenita Krnjić, Univerzitet u Sarajevu – Farmaceutski fakultet

- a) Postupajući po Žalbi prof. dr. Abidina Deljanina na Odluku Vijeća Univerziteta u Sarajevu - Fakultet za saobraćaj i komunikacije o prestanku radnog odnosa broj: 01-1457/21 od 23. 07. 2021. godine. Upravni odbor Univerziteta u Sarajevu je nakon razmatranja sa 7 (sedam) glasova „za“, donio *s l j e d e ć u*

ODLUKU

Odbija se žalba prof. dr. Abidina Deljanina izjavljena protiv Odluke Vijeća Univerziteta u Sarajevu- Fakultet za saobraćaj i komunikacije o neprodužavanju radnog odnosa broj: 01-1457/21 od 23. 07. 2021, *kao neosnovana.*

- b) Postupajući po Žalbi zavedenoj pod brojem: 0101-6440/21 od 28. 06. 2021. godine, radnice (sekretara) Univerziteta u Sarajevu - Farmaceutskog fakulteta, Đenite Krnić na Odluku dekana Univerziteta u Sarajevu – Farmaceutskog fakulteta o pismenoj opomeni zbog povrede radnih obaveza, broj: 2797/ 21 od 21. 06. 2021. godine. Upravni odbor Univerziteta u Sarajevu je nakon razmatranja sa 8 (osam) glasova „za“, donio *s l j e d e ć u*

ODLUKU

I

Odbija se Žalba podnositeljice Đenite Krnić, zaposlene na Univerzitetu u Sarajevu - Farmaceutskom fakultetu na radnom mjestu sekretara, izjavljena na Odluku dekana Univerziteta u Sarajevu – Farmaceutskog fakulteta broj: 2797/ 21 od 21. 06. 2021. godine, *kao neosnovana.*

II

Odluka stupa na snagu danom donošenja.

Ad-8.

Molba Ognjenke Išek, radnice Univerziteta u Sarajevu – Instituta za historiju za rješavanje radno-pravnog statusa, zavedene pod brojem: 0101-8626/21 od 09. 09. 2021. godine, razmatrana je od strane Upravnog odbora Univerziteta u Sarajevu. Upravni odbor Univerziteta u Sarajevu je nakon razmatranja sa 8 (osam) glasova „za“, dao *s l j e d e ć u*

SMJERNICU

U cilju rješavanja radno-pravnog statusa Ognjenke Išek, radnice Univerziteta u Sarajevu – Instituta za historiju raspoređene na radno mjesto „tehnički sekretar“ i primjene povoljnijeg prava za radniku, ukoliko za takvu primjenu postoji mogućnost na strani poslodavca, Upravni odbor Univerziteta u Sarajevu sugerira da je neophodno nakon dobivanja saglasnosti Vlade Kantona Sarajevo postupiti prema odredbama Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj: 19/21) kao i drugim relevantnim propisima koji su uredili ovu oblast i provesti proceduru prijema u radni odnos za radno mjesto sa visokom stručnom spremom.

Ad-9.

Nadalje, razmatrani su Prigovori učesnika u javnom oglasu na organizacionim jedinicama Univerziteta u Sarajevu i to:

- a) Maja Sijerčić, učesnica u javnom oglasu za radno mjesto „viši samostalni referent u biblioteci“ na Univerzitetu u Sarajevu – Pravnom fakultetu
 - b) Arijana Kurspahić, učesnica u javnom oglasu za radno mjesto „viši samostalni referent u biblioteci“ na Univerzitetu u Sarajevu – Pravnom fakultetu
- a) S tim u vezi, Upravni odbor Univerziteta u Sarajevu je nakon razmatranja sa 8 (osam) glasova „za“, donio *sljedeću*

ODLUKU

1. Odbija se Prigovor podnositeljice Maje Sijerčić na Odluku dekanese Univerziteta u Sarajevu – Pravnog fakultet o izboru kandidata za prijem u radni odnos, broj: 01-1211/21 od 14. 07. 2021. godine, *kao neosnovan*.
 2. Odluka dekanese Univerziteta u Sarajevu - Pravnog fakulteta iz tačke 1. ove Odluke se potvrđuje.
- b) Nadalje, Upravni odbor Univerziteta u Sarajevu je nakon razmatranja sa 8 (osam) glasova „za“, donio *sljedeću*

ODLUKU

1. Odbija se Prigovor podnositeljice Arijane Kurspahić na Odluku dekanese Univerziteta u Sarajevu - Pravnog fakulteta o prijemu u radni odnos, broj: 01-1270/21 od 14. 07. 2021. godine, *kao neosnovan*.
2. Odluka dekanese Univerziteta u Sarajevu - Pravnog fakulteta iz tačke 1. ove Odluke se potvrđuje.

Ad-10.

Zahtjeva Univerziteta u Sarajevu – Veterinarskog fakulteta, broj: 02-05-565-8/20 od 28. 07. 2021. godine, za raspolaganje sredstvima preko iznosa kojim može raspolagati rukovodilac organizacione jedinice je razmatran od strane Upravnog odbora Unierziteta u Sarajevu. S tim u vezi, Upravni odbor Univerziteta u Sarajevu je nakon razmatranja sa 8 (osam) glasova „za“, donio *sljedeću*

ODLUKU

I

Daje se saglasnost prof. dr. Muhamedu Smajloviću, dekanu Univerziteta u Sarajevu – Veterinarskog fakulteta za raspolaganje finansijskim sredstvima u iznosu preko 100.000,00 KM po pojedinačnom nalogu u okviru finansijskog plana, radi realizacije Ugovora o sufinansiranju zapošljavanja sa Federalnim zavodom za zapošljavanje.

II

Ova odluka stupa na snagu danom donošenja.

Ad-11.

Na osnovu Molbe grupe nastavnika Univerzitet u Sarajevu - Farmaceutski fakultet za odobrenje sredstva neophodnih za zatvaranje projekta Federalnog ministarstva obrazovanja i nauke iz 2017 i 2018. godine, Upravni odbor Univerziteta u Sarajevu je nakon razmatranja sa 8 (osam) glasova „za“, donio *sljedeću*

ODLUKU

I

Uvažava se Molba grupe nastavnika Univerziteta u Sarajevu – Farmaceutskog fakulteta, voditelja naučno-istraživačkih projekata Federalnog ministarstva obrazovanja i nauke iz 2017. i 2018. godine.

II

Odobrava se korištenje sredstava u iznosu 7.530,56 KM (slovima: sedamhiljada petstotinatridaset i 56/100 konvertibilnihmaraka) radi plaćanja preostalih obaveza nastalih u okviru naučnoistraživačkih projekata Federalnog ministarstva obrazovanja i nauke iz 2017. i 2018. godine.

II

Ova odluka stupa na snagu danom donošenja.

Ad-12.

Upravnom odboru Univerziteta u Sarajevu dostavljen je Izvještaj rukovodioca Jedinice interne revizije - Planu javnih nabavki integriranog Univerziteta u Sarajevu. S tim u vezi, Upravni odbor Univerziteta u Sarajevu je nakon razmatranja sa 8 (osam) glasova „za“, donio *sljedeći*

ZAKLJUČAK

1. Upravni odbor Univerziteta u Sarajevu prihvata Izvještaj Jedinice za internu reviziju Univerziteta u Sarajevu o reviziji iz oblast javnih nabavki Univerziteta sa organizacionim jedinicama, broj: IR-06/21.
2. Upravni odbor Univerziteta u Sarajevu obavezuje rektora Univerziteta u Sarajevu i rukovodioca organizacionih jedinica Univerziteta u Sarajevu da preduzmu sve neophodne aktivnosti na realiziranju preporuka iz Izvještaja Jedinice za internu reviziju Univerziteta u Sarajevu iz tačke 1. ovog Zaključka.

3. Zadužuje se interni revizor da prati implementaciju preporuka iz Izvještaja Jedinice interne revizije Univerziteta u Sarajevu iz tačke 1. ovog Zaključka i o tome u pisanoj formi redovno izvještava Upravni odbor Univerziteta u Sarajevu.

Ad-13.

Od strane članova Upravnog odbora Univerziteta u Sarajevu razmatran je Izvještaj o radu Studentskog parlamenta Univerziteta u Sarajevu za 2019/2020. godinu. Nakon razmatranja istog, Upravni odbor Univerziteta u Sarajevu je nakon razmatranja sa 8 (osam) glasova „za“, donio *sljedeći*

ZAKLJUČAK

Upravni odbor Univerziteta u Sarajevu prima k znanju Izvještaj o radu Studentskog parlamenta Univerziteta u Sarajevu za 2019/2020. godinu, koji po tom osnovu čini sastavni dio ovog Zaključka.

Ad-14. Informacije:

U okviru *tačke 14.* u formi informacija dostavljeni su sljedeći akti:

- a) Informacija o realizaciji odluka Upravnog odbora Univerziteta u Sarajevu – primljeno k znanju;
- b) Kvartalni izvještaj o realizaciji NATO SPS projekta QUANTUM5 – prihvaćen i primljen k znanju;
- c) Izvještaj o realizaciji i provedbi Plana javnih nabavki integrisanog Univerziteta u Sarajevu za 2021. godinu (II kvartal) – prihvaćen i primljen k znanju;
- d) Obavijest o dopunama dinamičkog plana Univerziteta u Sarajevu - Ekonomskog fakulteta – primljena k znanju;
- e) Obavijest o dinamičkim planovima organizacionih jedinica Univerziteta u Sarajevu za 2021/2022. godine (Ekonomski fakultet, Elektrotehnički fakultet, Građevinski fakultet, Institut za genetičko inženjerstvo i biotehnologiju, Farmaceutski fakultet, Fakultet političkih nauka, Filozofski fakultet, Fakultet za kriminalistiku, kriminologiju i sigurnosne studije, Poljoprivredno-prehrambeni fakultet, Mašinski fakultet) – primljena k znanju.

Sjednica je završena u 16:00 sati

Sastavni dio zapisnika čini ispis poruka elektronske pošte predsjednika i članova Upravnog odbora.

**PREDSJEDNIK
UPRAVNOG ODBORA**

Dr. sc. Murat Ramadanović

Zapisničar:

Belma Hajradinović, MA prava

Služba za pravne poslove

